

Publicaziuns officialas dils 8 d'uost 2025

Vischnaunca Trun

Damonda da baghegiar

Datum da publicaziun: 08-08-2025

Petents: Thomas e Claudia Wolf-Caduff Via Splecs 5 7166 Trun
Object: Damonda per l'engrondaziun dil baghetg annex (serrar si la mesadad dalla
terrassa) sin parcella 2982 a Splecs
Zona: Zona da habitar (H3)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Serrada via Munt muort tagl da lenna

A partir dils 18 d'uost 2025 ei la via da Munt suenter la barriera serrada per il traffic motorisau muort in tagl da lenna en la Val Runtgin. La lenna vegn raccoltada cun la suga ord igl uaul. Cunquei ch'il plaz ei restrenschius sto la via vegnir serrada. Ei vegn sespruau da tener liber la via durant la fin d'jamna. Naven da gievgia ils 28 d'uost 2025 duess la via puspei esser aviarta per il traffic. En cass urgents e motivai eis ei da prender contact cun il selvicultur Carlo Monn (081 920 20 46) ni cun il responsabel per il tagl da lenna David Solèr (079 754 31 55). Nus engraziein per vossa capientscha.

Uffeci forestal Trun Solèr Holz AG

Sera da film e cudisch 600 onns Ligia Grischa

Fiastetta da finiziun digl onn festiv centenar: Sonda, ils 22-11-2025 allas 19.00 uras el center communal Ei vegn mussau per l'emprema ga il film dallas festivitads 600 onns Ligia Grischa. Plinavon ha liug la vernissascha dil cudisch da fotografias cun pusseivladad da cumprar quel. Silsuenter vegn purschiu in aperitiv en sala da cultura. La suprastanza communal envida coridalmesin l'entira populaziun sco era tuttas gidontras e tuts gidonters dallas differentas occurrenzas.

Suprastanza communal Trun e gruppa da lavur «Sut igl Ischi 2024»

Mortori

Maissen Patrizia, naschida ils 2da mars 1966 e morta igl 1. d'uost 2025.

Controlla da habitonts Trun

Ballapei Team Cadi

Preziai geniturs, cars affons. Sco mintg'onn porschan la US Danis-Tavanasa ed il CBTrun/Rabius als affons naven dallas annadas 2020 e pli vegls la pusseivladad da dar ballapei ensemen. Igl emprem trenament ha liug mesjamna, ils 13 d'uost allas 17.00 a Trun. Annunzias tier Reto Caduff, 078 793 24 23, ni Roland Tschuor, 077 239 97 76. Nus selegrein sin tei.

CB Trun/Rabius ed US Danis-Tavanasa